

擔公遷訛

籤楊瓊題

明釋擔當遺詩集序

昔歐陽文忠序釋秘演詩集謂天下無事智謀雄偉非常之士無所用其能者往往伏而不出秘演隱於浮屠奇男子也嗟乎天下安有無事之時而可聽奇男子之隱於浮屠哉文忠果以爲天下無事又何必好從浮屠氏游欲因以陰求天下奇士哉文忠之意蓋可識已朱子謂天下之亂不生於亂而生於治蓋處治而以爲無事則宴安之漸萌於上偷惰之習成於下紀綱法度風俗人心皆將隳壞於因循冥昧之中而不覺雖有賢人君子見其幾而私憂竊歎亦莫可如何甚或舉世皆頌聖明一聞憂危之言不以爲狂則以爲病癡不怒則笑之矣甚則戮辱及之矣此所以生當忌諱之世者惟掛口結舌以求免而已而其胸中之所感憤鬱積又往往不可壅闕而無所發洩則惟形之於詩或憂愁悽惋或慷慨激烈各肖其性之所出世所傳詩者多出於古窮人之詞豈不然哉吾演擔當公奇男子也生當明季海內鼎沸較秘演生當宋嘉祐熙甯之際其國家之有事無事相去不可以道里計正智謀雄偉非

常之士所當用其能者而乃不獲用而乃隱於浮屠嗚乎此明社之所以不祀其可悲也已騰越李生印泉哀集擔公遺詩刊以永世吾竊謂今日文明無所忌諱苟有智謀雄偉非常之士必將脩諸身以施諸事而不必見諸言可也回視古人之惛惛無所試而僅以詩傳者其幸不幸爲何如而歔歔憑弔之意愈有曠世相感而不能自己者矣印泉哀集之旨其殆出於此歟

宣統元年歲次己酉冬十月既望太和李文治謹序

題詞

雨霖鈴用柳屯田韻

塔鈴悲切，半天雞足，暮鐘搖歇。淒涼往事如夢，燈孤榻冷，愴懷明發。
編中有讀五龍山人集詩述先
也舉目河山，灑涕泗，何限幽噎。痛故國遙望京華，南斗無情，淚波闊空門誓與人間
別笑。曇花強傲繁霜節，情根斬斷休憶。泡電彰緬雲燕月，未了塵緣，詩盜唵豪畫屏
色設。怎忍死菩薩心腸，偈向華嚴說。

印泉道兄哀集擔當遺老遺詩付梓奉題此闕即希正拍

宣統歲在庚戌之鵬湘西黃膺鹿泉氏稿

正誤表

又	十三	又	又	又	十二	又	又	十	九	八	七	五	二	篇數
廿四	廿三	廿二	廿一	十五	五	十六	十五	九	十八	十三	十一	四	四	行數
十三	三	三	一	十四	十	八	十一	十三	十二	廿九	十二	廿八	十八	字數

揮堪障寒玖玖紕殲祗珊消梵杼彰誤

渾甚陣塞玖玖妝纖祗忌浪梵杼影正

廿八	又	又	廿五	廿四	又	又	廿三	廿二	又	又	又	又	廿一	篇數
----	---	---	----	----	---	---	----	----	---	---	---	---	----	----

廿一	廿十	十五	二十	十六	廿一	十四	四	九	廿二	十四	三	二	一	行數
----	----	----	----	----	----	----	---	---	----	----	---	---	---	----

二二	二	十五	十六	十六	十八	卅二	十五	廿一	廿三	十八	五	十	三十	字數
----	---	----	----	----	----	----	----	----	----	----	---	---	----	----

豎借安明而杖曉伋川帕到愴能杖誤

豎惜長朋面丈腕仄州怕俱倉罷丈正

擔公遺詩目錄

附六湛素蕙遺著

擔公詩

一百七十七首

附錄十六首

六湛詩

五首

素蕙詩

三首

擔公遺詩

附六世素蕙遺著

騰越李根源錄刊

明遺僧普荷著

根源謹案擔當名普荷一名通荷擔當其號也雲南晉甯人本唐氏子名泰

字大來先世之浙淳安人明初有循仲者戍滇屯晉甯遂家焉傳至佑字雪

軒生子二長錡號南池嘉靖丙戌進士官至河南按察使嚴明果決執法不

阿以忤權要歸隱於鄉殫精著述與永昌張禹山含大理楊宏山士雲李中

谿元陽阿迷王鈍菴廷表昆明孫清愍繼魯諸公齊名卽升菴楊氏所稱滇

南七子之一也次金號池嶼嘉靖戊子舉人歷官辰州永甯同知有政聲池

嶼子堯官字廷俊嘉靖辛酉解元號五龍山人著有五龍山人甲乙丙丁詩

文集數十卷廷俊子世修擔公父也以鄉貢歷任臨洮諸郡擔公生而穎悟

過目成誦十歲文譽傾動一時十三補弟子員第一博極羣書具匡時略天

啓中以明經入對大廷嘗執贄於華亭董宗伯元宰之門從嶺右間繭足萬

里訪雲間陳眉公於空山謂友天下士方自此始回滇未幾中原變亂薙髮

隱於僧結茅雞足山泊永明西奔託名雲遊入緬甸尋車蹕至騰衝阻於兵

不果而返是時錢中丞邦芑事敗匿民間幾及於難公援之入山作連床耦

耕之隱

按志載邦芑字開少江南鎮江人仕雲南巡撫明心祝髮雞足山號大錯著有雞山志一卷詩草若干卷

復結蒙化陳翼叔宣

逢泰浪穹何穉元何素珩劍川趙雲升祿勸趙中玉楚雄劉毅菴以及江蛟

許鴻諸先生爲志友公素工詩有條園集儒生時作檇菴草則出世後著善

畫取法雲林皆有感之無聲詩也卒年七十有六羽化之日囑把茅曰吾死

之後吾之墓表得題明遺僧普荷之墓足矣

按志載把茅姓朱氏名昂字子眉昆明人擔當外甥也明季鼎

革時閤家三百餘口俱死於難隻身逃至雞足山從擔公爲僧善書畫工吟咏著有借菴詩集三卷大錯和尚及蒙化陳翼叔保山徐石公曾爲之序云

嗚呼可以得其概矣余家居時於先叔高祖父穎樟公所輯聽泉樓雜鈔中

得公詩三十首

謹按穎樟公字石生乾隆間增生少奇氣負文名著有聽泉樓詩草一卷雜鈔六卷李氏家譜一冊

丙午夏

遊都門於琉璃廠肆得舊鈔本一冊內錄公詩六十四首其中大半已刊再
於篋圃師所輯滇詩拾遺中得八十三首先後共一百七十七首都爲一卷
讀之荒涼激楚痛徹心脾杜少陵李義山而後此其嗣響也嗟夫公以英雄
磊落之姿遭逢陽九不得已而逃隱於僧又不得已而形之於詩歌以抒寫
其慷慨抑鬱之氣其境遇之窮心志之苦爲何如哉夫亦可以風矣敢刊爲
專本以公諸世並採集滇中史乘而述公生平事略於此

時光緒戊申九月
識於日本江戶

Blank page with faint vertical lines and ghosting of text from the reverse side.

點蒼吟

十九盡撐天峯峯皆可憐，雪消多古意，一點一蒼然。

蕉

一箇草亭下，陰晴換幾朝。早知都是夢，不合種芭蕉。

天生橋

道人有志在青霄，未曉焚香上早朝。山到海邊不入海，掉頭回去搭天橋。

懷人

相思夢醒月沈西，屈指行人過五溪。欲買海舟春又暮，接天湖水杜鵑啼。

聽三塔寺鐘同翼叔穉元諸君賦

撥開古雪又相逢，携手同登十九峯。可奈峰多愁不減，廿年心事一聲鐘。

子規

壠首黃茅剪復齊，子規喚子日初低。天津橋上收聲後，不到江南莫亂啼。

僧窗牡丹

金谷樓臺酒氣蒸，笙歌一歇冷如冰。牡丹近有山林癖，洗淨鉛華對衲僧。

別王勅木

旗亭欲雨路全迷，宛轉深林綠更齊。此去不須愁伴侶，到無人處有猿啼。

點蒼吟答友

幾欲携藤訪隱淪，游情懶慢幾經春。不然久至雞山頂，三塔鐘聲不放人。

天生橋倚石激水成珠鬚，瓣宛然昔有韻人題爲不謝梅因賦

尋春莫問路高低，根蒂從來不染泥。寄語浩然休浪踏，盪舟輕穩過驢蹄。恰似西湖水渺茫，中藏幾點是殘霜。爲航逋老孤山癖，浮動何須有暗香。

同鶴陽太守張聖草登雞山頂

只爲高難測，無人解共躋。官閒真似鶴，僧定不如雞。雲自岫中出，天從杖下低。纔閒三兩日，一上幾千梯。

同客遊雞足山勗之

好山多更幽，一上一層秋。但去莫回顧，何曾有盡頭。林中獅子吼，梯上猢猻愁。欲問拈花意，霜鐘冷石樓。

山居

避世不留影，誅茅老一邱。面紅慙入市，心曠喜登樓。漁艇晴兼雨，僧窓夏亦秋。任教寒有信，不到火爐頭。

楓林

丹楓明野色，秋意滿山家。半壁蒼雲合，千林錦樹遮。染成霜後葉，開作日南花。似入天臺路，悠悠見晚霞。

有秦中友人避世雞足山以詩見貽賦答

案蓋籠雲照碧空，騷人隱在梵王宮。日星明滅三峰下，金石鏗鏘八咏中。解帶猶存秦塞雪，開樽不淺晉人風。從今外岳非培塿，聲振詞壇氣吐虹。

十九峰下喜晤楚中官素士

客路年年古雪存，生憎芳草怨王孫。
點蒼有我真堪隱，雲夢非君孰敢吞。
縱飲未投新白社，輸忠曾效老黃門。
相逢切莫嗟蓬鬢，不待摧頽髮已髡。

雞足山

天闢佳山紫數重，直從耆崛問來龍。
有光我解朝金闕，無響誰能扣石鐘。
獅子林寒全仗火，猢猻梯險莫支筇。
巍哉五嶽齊名外，華首當稱第一峰。

畢竟靈山遠世紛，攜筇莫訝太慙慙。
四林燈照千年雪，八寺香騰萬壑雲。
但見顏從花下破，誰知路在塔邊分。
寒雞有舌無聲響，不是高人總不聞。

榆城山中懷吳門友人兼得來書賦答

湖海扁舟久不逢，深秋最怕采芙蓉。
愁雲一隔八千里，快雪重登十九峰。
彼自有書耐往事，誰能無褐過殘冬。
好將月落懷君夢，敲作寒山半夜鐘。

寄金陵彭秋水遊雲武

未聞杖履入南溟烟水先將魂夢牽故國臺空嗟鳳去他山寺冷見獅眠橫襟落筆無千古弔影銜杯各一天不待交秋歌宛在蘼葭大半已蒼然

○同楚中李夢隱葉天依入江州萬公衙齋訪耜菴小集

輕離古剎路欹斜垂白山僧媿入衙壯志一腔拋世外遊情雙鬢老天涯北流莫怨湘江水南望還思孺子家總爲避喧林不密又隨司馬聽琵琶

○盤龍寺讀蓮峯祖師遺偈

盤龍老子骨已枯人云汝活胡爲乎三界尙存何佛祖一言難喚此門徒莫管爾時破不破直到於今無也無所以吐吞未易測沈潭之下龍可呼

○海門閣

西南日月載沈浮不放天邊水逆流今古徘徊惟濁酒乾坤漂蕩有扁舟一朝海鶴背人去萬里波臣喚客遊襟帶誰非彭蠡澤傷心卻是洞庭秋

○至日榆城留別

脫盡皮囊又束裝，亂離有路盡羊腸。百年我自嗟遲暮，一綫誰能論短長。消裏鐘聲
敲雪響，春前花信畏風狂。朝萍暮梗尋常事，回首難忘是點蒼。

○贈汪宸初

廿年避影詠閑閑，潦倒萍踪不可攀。瘴癘侵人過黑水，烟霞遲我老黃山。千秋古逸
羲皇上一代孤臣，草莽間腸斷好音無覓處。殉身未遂怯生還。

仲冬同諸友池亭玩月品七子詩兼感世局

時危是處有風波，耽隱同人問薜蘿。霜老羈禽悲落木，水枯明月照殘荷。淒涼暗灑
千家泪，睥睨高含七子歌。知己相逢須盡醉，一尊雖少亂離多。

○遊傳衣寺

石門一縫路相通，曳杖能高達者風。孤磬敲殘山色冷，浮雲散盡世情空。松如伏蟒
形猶古，花比啼鶉血更紅。莫笑老僧歸路晚，春光全在夕陽中。

○同友遊茈碧湖登標山楚雲閣

載酒凌虛指浪穹，揚帆罷谷訪仙翁。四山欲雨雲頭黑，九氣成霞日角紅。張樂雖非洞庭野，尋源已到蒲陀嶺。人家水際圍蒲柳，誰謂桃源路未通。

○余在點蒼山下徐石公從永昌來入昆明池社中喜賦

曲高寡和迥難攀，社結昆池放我閒。僧病不歸金馬寺，客遊常遶玉龍關。縱橫詞賦千秋下，想像旌旗一水間。不是漢時門卒懶，乞骸那得老蒼山。

以上先叔高祖父穎樟公遺本

○霹靂引

不陂何平、不濁何清、上天下地、天道亨聖人首出、鳳凰鳴排山倒海、風吹來男兒跌宕胸懷、開手擎疾雷登高臺。

○戰城南

戰城南戰不休，南有矢石北兜鍪。王師薄伐併力驅，馳聞鼓進聞金不退。犁庭掃穴此其時，朝來得食暮猶執。殺人飢尚可馬飢無束芻，腐肉滿戰場馬不食。烏鵲徬啄